

**DAP ingatkan Arul jangan guna speaker elak berdebat**  
**Malaysian Insider**  
**Nov 5, 2015**  
**Oleh Mohd Farhan Darwis**

Ketua Whip Parlimen DAP Anthony Loke mengingatkan Presiden 1Malaysia Development Berhad (1MDB) Arul Kanda Kandasamy supaya tidak menggunakan speaker Dewan Rakyat sebagai alasan untuk mengelak daripada berdebat berkenaan isu syarikat itu.

Katanya, Speaker Tan Sri Pandikar Amin Mulia sebelum ini berkata, tiada masalah bagi Arul ditemuramah mana-mana pihak, sekali gus menyebabkan ketua 1MDB itu tidak seharusnya mengelak untuk berdebat.

"Beliau sengaja membuat alasan. Tidak ada isu. Jangan gunakan speaker sebagai alasan untuk tidak berdebat," kata Loke kepada pemberita ketika ditemui di lobi Parlimen, hari ini.

"Kalau nak larikan diri, beritahu saja. Jangan cuba gunakan speaker untuk mengelak. Speaker katakan dengan jelas, Arul pernah diwawancara, tiada masalah," katanya yang juga ahli Parlimen Seremban. – 5 November, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/dap-ingatkan-arul-jangan-guna-speaker-elak-berdebat>